



**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
JU MJEŠOVITA SREDNJA ELEKTROTEHNIČKA ŠKOLA  
T U Z L A**

Djel.broj : 05-1538-2/24  
Tuzla, 03.05.2024. godine

Na osnovu člana 5.Pravilnika o utvrđivanju Kriterija i načina izbora učenika generacije srednje škole ("Sl. novine TK", broj: 4/13), na sjednici održanoj 30.04.2024.godine Nastavničko vijeće JU Mješovita srednja elektrotehnička škola Tuzla je donijelo Odluku broj: 05-1538-2/24, na osnovu koje se raspisuje :

**O G L A S  
ZA IZBOR UČENIKA GENERACIJE U ŠKOLSKOJ 2023/2024.GODINI**

**1.Uslovi za proglašenje učenika generacije**

(1) Pravo prijave na Oglas za izbor učenika generacije JU Mješovite srednje elektrotehničke škole Tuzla ima svaki učenik završnog razreda tehničke i stručne škole koji ispunjavaju sljedeće uslove:

- a) da je tokom trogodišnjeg ili četverogodišnjeg školovanja po odgovarajućem Nastavnom planu i programu postigao odličan uspjeh u učenju u svim razredima (minimalan prosjek općeg uspjeha u svakom razredu 4,8),
- b) da je u toku školovanja imao primjerno vladanje u svim razredima srednje škole,
- c) da je u toku školovanja imao zapažene rezultate u slobodnim aktivnostima, takmičenjima, smotrama i drugim vannastavnim aktivnostima.

**2.Rezultati koji se vrednuju za učenika generacije**

(1) Prilikom vrednovanja za izbor učenika generacije vrednuju se rezultati postignuti u radu sekcija predviđenih Godišnjim programom rada u školi, takmičenja u znanju i stvaralaštvu iz pojedinih predmeta i osvojene nagrade na takmičenjima, učešće i osvojene nagrade na konkursima u oblasti likovnog,muzičkog,jezičkog,i tehničkog stvaralaštva, te sportskim aktivnostima koje su organizovane od strane škole,Pedagoškog zavoda Tuzlanskog kantona (u daljem tekstu:Pedagoški zavod),Ministarstva obrazovanja, nauke, kulture i sporta Tuzlanskog kantona (u daljem tekstu Ministarstva), općinskih, kantonalnih, federalnih, državnih i međunarodnih organizacija koje se bave pitanjima odgoja i obrazovanja učenika.

(2) U cilju jednoobraznog pristupa, Pedagoški zavod će blagovremeno dostaviti srednjim školama spisak takmičenja koji će se vrednovati u skladu sa stavom (1) ovog člana.

(3) Za rezultate ostalih takmičenja, koja nisu jedinstvena za sve škole na Kantonu, tumačenje o samom takmičenju na zahtjev škole, daje Pedagoški zavod.

**3.Elementi za vrednovanje**

- a) uspjeh u učenju i vladanju u toku srednjeg školovanja,
- b) aktivnosti i doprinosi u radu sekcija škole,
- c) uspjeh u takmičenjima u znanju iz pojedinih nastavnih predmeta, na konkursima, revijama, smotrama, izložbama i sportskim takmičenjima,
- d) rukovođenje odjeljenskom zajednicom,
- e) rezulteti postignuti u vannastavnim aktivnostima,
- f) vanškolske aktivnosti, volontiranje (sportske, kulturne, društvene, humanitarne aktivnosti, te rad u nevladinim organizacijama),
- g) kursevi informatike, stranih jezika i slično,
- h) završena srednja umjetnička škola.

**4. Bodovanje kandidata**

Bodovanje kandidata će se vršiti u skladu sa članom 6. Pravilnika o utvrđivanju Kriterija i načina izbora učenika generacije srednje škole ("Sl. novine TK", broj: 4/13) i to prema dokumentaciji iz pedagoške dokumentacije i evidencije škole, zatim potvrda, uvjerenja, diploma, zahvalnica i zvaničnih izvještaja organizatora takmičenja i diploma/svjedodžbi umjetničke škole.

**5. Podnošenje prijava**

Rok za podnošenje prijava je 7 dana od dana objavljivanja na Oglasnoj tabli Škole i web stranici škole [www.etstuzla.skolatk.edu.ba](http://www.etstuzla.skolatk.edu.ba) . Prijave sa dokazima o ispunjavanju uslova Oglasa dostavlja sam učenik pismenim putem sekretaru škole. Obrazac Prijave na Oglas se može preuzeti kod sekretara škole.



V.D. Direktorica škole :

*Admira Uzunić*  
Admira Uzunić, profesorica sociologije